



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ**

ք. Երևան

01.10.2021թ.

**Ո Ր Ո Շ ՈՒ Մ  
ՀՀ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ  
ՔՆՆՈՂ ԱՆՁԻ  
թիվ ԱՑ-ԼՕ-2021/222**

Նախագահությամբ՝ ՀՀ գնումների հետ կապված բողոքներ քննող անձ Լ. Օհանյանի  
Քարտուղարությամբ՝ Ռ. Մկրտչյանի

Պատվիրատու՝ «Կարեն Դեմիրճյանի անվան Երևանի մետրոպոլիտեն» ՓԲԸ  
Մասնակից՝ «Ֆասթ Բիլդ» ՍՊԸ

Գնման ընթացակարգի ծածկագիրը և առարկան՝  
«ԵՄ-ԳՀԱՊՁԲ-21/115» ծածկագրով գնանշման հարցման ընթացակարգ,  
ապրանքների ձեռքբերում

ՀՀ գնումների հետ կապված բողոքներ քննող անձը (այսուհետ նաև՝ Բողոքներ  
քննող անձ), ուսումնասիրելով Հայաստանի Հանրապետության ֆինանսների  
նախարարության կողմից 01.09.2021թ.-ի թիվ 26/26-1/14073-2021 գրությամբ «Ֆասթ Բիլդ»  
ՍՊԸ-ին (այսուհետ նաև՝ Մասնակից) գնումների գործընթացին մասնակցելու իրավունք  
չունեցող մասնակիցների ցուցակում ներառելու նպատակով նախաձեռնված  
ընթացակարգով ներկայացված հիմքերը,

**Պ Ա Ր Զ Ե Ց**

## **1. Գործի նախապատմությունը.**

ՀՀ ֆինանսների նախարարությունը, «Կարեն Դեմիրճյանի անվան Երևանի մետրոպոլիտեն» ՓԲԸ-ի 26.08.2021թ.-ի թիվ 39/02-28-617 գրության հիման վրա, 01.09.2021թ.-ին «Ֆասթ Բիլդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնել է ընթացակարգ՝ Բողոքներ քննող անձին ներկայացնելով համապատասխան հիմքեր:

Բողոքներ քննող անձին (Գ. Ներսիսյանին) գործը մակագրվել է 01.09.2021թ.-ին:

Հիմք ընդունելով ՀՀ ֆինանսների նախարարի 25.08.2021թ.-ի թիվ 450-Ա Բողոքներ քննող անձ՝ Գ. Ներսիսյանին 2020-2021թ.-երի աշխատանքային տարվա ամենամյա արձակուրդ տրամադրելու մասին հրամանը, ընթացակարգի քննությունը 06.09.2021թ.-ին փոխանցվել է Բողոքներ քննող անձ Լ. Օհանյանին:

08.09.2021թ.-ին [www.gnumner.am](http://www.gnumner.am) կայքում հրապարակված հայտարարությամբ գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը ընդունվել է վարույթ և տրվել է թիվ ՍՑ-ԼՕ-2021/222 համարի ծածկագիրը:

17.09.2021թ.-ին և 01.10.2021թ.-ին նշանակվել և հրավիրվել են նիստեր:

Գործի քննությունն ավարտվել է 17.09.2021թ.-ին և Բողոքներ քննող անձի որոշման հրապարակման օր է նշանակվել 01.10.2021թ.-ին:

## **2. «Կարեն Դեմիրճյանի անվան Երևանի մետրոպոլիտեն» ՓԲԸի ներկայացրած փաստերը և դիրքորոշումը.**

«Կարեն Դեմիրճյանի անվան Երևանի մետրոպոլիտեն» ՓԲԸ-ն 26.08.2021թ.-ի թիվ 39/02-28-617 գրությամբ դիմել է ՀՀ ֆինանսների նախարարությանը՝ հայտնելով հետևյալը.

«Հայտնում եմ, որ 2021թ.-ի օգոստոսի 19-ին, ՀՀ, ք. Երևան, Մարշալ Բարրական 78 հասցեում գտնվող «Կարեն Դեմիրճյանի անվան Երևանի մետրոպոլիտեն» ՓԲԸ-ի շենքում ժամը 11:30-ին տեղի է ունեցել ապրանքների ձեռքբերման ԵՄ-ԳՀԱՊՁԲ-21/115 ծածկագրով գնման ընթացակարգի գնահատող հանձնաժողովի հայտերի բացման և գնահատման նիստը:

«Ֆասթ Բիլդ» ՍՊԸ-ի (ՀՎՀՀ՝ 01292712, Հեռ.՝ +(374)93415803, էլ. հասցե՝ [fastbuild.procurement@gmail.com](mailto:fastbuild.procurement@gmail.com)) կողմից հայտով ներկայացված փաստաթղթերի

գնահատման արդյունքում գնահատող հանձնաժողովի կողմից արձանագրվել են անհամապատասխանություններ հրավերի պահանջների նկատմամբ, մասնավորապես՝ ներկայացված հայտում բացակայում է հայտով ներկայացված փաստաթղթերը ժողովուրդային կողմից էլեկտրոնային թվային ստորագրությամբ ստորագրված լինելը հիմնավորող իրավական փաստաթուղթը, ինչպես նաև Հավելված 1-ը, թերի է՝ բացակայում է հրավերով պահանջվող մասնակցի սպասարկող բանկի և բանկային հաշվեհամարի վերաբերյալ տեղեկատվությունը:

Գնահատող հանձնաժողովը որոշեց նիստը կասեցնել մեկ աշխատանքային օրով և 19.08.2021թ.-ին համակարգի միջոցով ծանուցմամբ «Ֆասթ Բիլդ» ՍՊԸ-ին առաջարկել մեկ աշխատանքային օրվա ընթացքում շտաբի արձանագրված անհամապատասխանությունները՝ հիմք ընդունելով Հայաստանի Հանրապետության

ՀՀ կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ Կարգ) 41-րդ կետով սահմանված պահանջները:

Գնահատող հանձնաժողովը արձանագրել է, որ «Ֆասթ Բիլդ» ՍՊԸ-ի կողմից գնման ընթացակարգի հրավերում նշված էլեկտրոնային հասցեին սահմանված ժամկետում շտաբի փաստաթղթերը չեն ներկայացվել:

Վերոգրյալով պայմանավորված՝ գնահատող հանձնաժողովը որոշեց «Ֆասթ Բիլդ» ՍՊԸ-ի հայտը գնահատել անբավարար և մերժել հիմք ընդունելով «Գնումների մասին» ՀՀ օրենքի 6-րդ հոդվածի 1-ին կետի 6-րդ ենթակետի «ա» պարբերությամբ սահմանված պահանջները:

Համաձայն Կարգի 45-րդ կետով սահմանված պահանջների՝ «Ֆասթ Բիլդ» ՍՊԸ-ի տվյալները՝ համապատասխան հիմքերով, գրավոր ուղարկում ենք Ձեզ՝ վերջինիս գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ սկսելու նպատակով:

Միաժամանակ հայտնում ենք, որ սույն գնման ընթացակարգի շրջանակներում ձեռք բերվող գնման առարկաները ներառված են հաստատված գնումների պլանում և հրապարակված են տեղեկագրում:»:

Ելնելով վերոգրյալից և հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված գնումների գործընթացի կազմակերպման կարգի 45-րդ կետի պահանջները, կից ներկայացվել է «ԵՄ-ԳՀԱՊԶԲ-21/115» ծածկագրով հայտարարված գնման ընթացակարգի շրջանակներում «Ֆասթ Բիլդ» ՍՊԸ-ի տվյալները՝ համապատասխան հիմքերով:

Պատվիրատուն 14.09.2021թ.-ի թիվ 39/02-28-700 գրությամբ հայտնել է նաև հետևյալը.

«Ի պատասխան Ձեր 13.09.2021թ. ներկայացված ծանուցման հայտնում ենք, որ ուսումնասիրել ենք «Ֆասթ Բիլդ» ՍՊԸ-ի կողմից ներկայացված դիրքորոշումը, որի վերաբերյալ հայտնում ենք, հետևյալը.

Հարցադրում - Մասնակցի կողմից ներկայացված հայտի փստաթղթերը էլեկտրոնային թվային ստորագրությամբ հաստատվել են լիազորված ներկայացուցչի կողմից, սակայն տեխնիկական խնդիրների պատճառով լիազորագիրը Մասնակցի կողմից հնարավոր չի եղել մուտքագրել գնումների էլեկտրոնային armeps.am համակարգ:

Պատասխան - Հայտնում ենք, որ ԵՄ-ԳՀԱՊՁԲ-21/115 ծածկագրով գնման ընթացակարգի մրցույթին մասնակիցների կողմից էլեկտրոնային գնումների armeps համակարգի միջոցով հայտ ներկայացնելու համար նախատեսված կառուցվածքի «Պիտանելիության չափորոշիչներ» բաժնում առկա է հատուկ դաշտ «Լիազորագիր՝ եթե առկա է» վերնագրով, որտեղ մասնակիցները անհրաժեշտության դեպքում առանց որևէ տեխնիկական խոչընդոտների կարող են կցել համապատասխան լիազորագրերը (լուսապատճենը կցվում է), նույնիսկ խնդիր առաջանալու դեպքում ինչպես և մյուս մրցույթներին մասնակցելիս մասնակիցը կարող էր այլ դաշտում այլ փաստաթղթի հետ միասին կցել:

Հարցադրում - Միաժամանակ ցանկանում ենք հայտնել, որ Պատվիրատուի կողմից Մասնակցի հայտի մերժման հիմք հանդիսացած մյուս հանգամանքը՝ ներկայացված հայտի հավելված 1-ում լրացված չի եղել Մասնակցի բանկի անվանումը և հաշվեհամարը, հրավերում ավելացվել է Պատվիրատուի կողմից, այնինչ ՀՀ ֆինանսների նախարարության կողմից հրապարակված հրավերների օրինակելի ձևում նման պահանջ չկա»:

Պատասխան - Հայտնում ենք, որ գնումների տեղեկագրում (gnumner.am) պարբերաբար հրապարակվող ՀՀ ֆինանսների նախարարի հրամանով հաստատված հրավերի և հայտարարության օրինակելի ձևերը նախագծեր են, որոնց հիման վրա Պատվիրատուի գնահատող հանձնաժողովը հաստատում է իր կողմից սահմանված պահանջներին համապատասխան հրավերի և հայտարարության տեքստերը: ԵՄ-ԳՀԱՊՁԲ-21/115 ծածկագրով գնման ընթացակարգի գնահատող հանձնաժողովի կողմից մրցույթի հրավերով սահմանվել է պահանջ, որ մասնակիցները հայտով ներկայացվող Հավելված 1-ում նշեն նաև իրենց սպասարկող բանկի և բանկային հաշվեհամարի վերաբերյալ տեղեկատվությունը: Նշենք նաև, որ հիշյալ մրցույթին հայտ ներկայացրած 8

մասնակցից միայն «Ֆասթ Բիլդ» ՍՊԸ-ի կողմից չի պահպանվել փոխալ պահանջը, իսկ Հայաստանի Հանրապետության կառավարության 2017 թվականի մայիսի 04-ի N 526-Ն որոշման 1-ին կետով հաստատված կարգի (այսուհետ՝ Կարգ) 40-րդ կետի 4-րդ ենթակետով և սույն մրցույթի հրավերի (այսուհետ՝ Հրավեր) 1-ին մասի 8.2 կետով սահմանում է, որ «Բավարար են գնահատվում սույն հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում»:

Հարցադրում - «Միաժամանակ ցանկանում ենք հայտնել, որ Պարվիրատուի կողմից հայտի փաստաթղթերի շրկման որևէ ծանուցում մինչ օրս չի ստացել, այլ դրա մասին տեղեկացել է բանավոր՝ Պարվիրատուի գնումների համակարգողի հետ հեռախոսազանգի միջոցով, երբ վերջինս հայտնել է, որ իրենց կողմից Մասնակցին ծանուցվել է շրկելու ներկայացված հայտում հայտնաբերված անհամապատասխանությունները, որից անմիջապես հետո՝ 2021թ. օգոստոսի 23-ին, Պարվիրատուի էլեկտրոնային փոստին Մասնակցի կողմից ուղարկվել է Պարվիրատուի կողմից բանավոր պահանջված փաստաթղթերը:

Պատասխան - Հայտնում ենք, որ գնահատող հանձնաժողովը նիստը կատարել է մեկ աշխատանքային օրով և 19.08.2021թ.-ին համակարգի միջոցով ծանուցմամբ «Ֆասթ Բիլդ» ՍՊԸ-ին առաջարկել է մեկ աշխատանքային օրվա ընթացքում շրկել արձանագրված անհամապատասխանությունները՝ հիմք ընդունելով Կարգի 41-րդ կետով և Հրավերի 1-ին մասի 8.9 կետով սահմանված պահանջները (լուսապատճենը կցվում է): Որևէ հեռախոսազանգ Պարվիրատուի կողմից մասնակցին չի եղել: Հարկ ենք համարում ավելացնել նաև, որ 23.08.2021թ.-ին «anahitnikoghosian1997@gmail.com» էլ. հասցեից ԵՄ-ԳՀԱՊՁԲ-21/115 ծածկագրով գնման ընթացակարգի հրավերում նշված քարտուղարի՝ «info@epromotion.am» էլ. հասցեին ներկայացվել է «Ֆասթ Բիլդ» ՍՊԸ-ի փոխալներով լրացված փաստաթուղթ (լուսապատճենը կցվում է): Ավելորդ չենք համարում նշել, որ «Ֆասթ Բիլդ» ՍՊԸ-ի կողմից սույն մրցույթին հայտով ներկայացված Հավելված 1-ով նշված է «fastbuild.procurement@gmail.com» էլ. հասցեն: Ավելացնենք նաև, որ «anahitnikoghosian1997@gmail.com» էլ. հասցեից սահմանված ժամկետի խախտմամբ «Ֆասթ Բիլդ» ՍՊԸ-ի կողմից ներկայացված, գնահատող հանձնաժողովի կողմից անհամապատասխանություններ արձանագրած փաստաթղթերի շրկված փարբերակներում, Հավելված 1-ը հաստատված չէ ոչ էլեկտրոնային թվային ստորագրությամբ, ո՛չ էլ որևէ այլ կերպ (պատճենը կցվում է), իսկ «Ֆասթ Բիլդ» ՍՊԸ-ի

հայտով ներկայացված փաստաթղթերը ժորա Պետրոսյանի կողմից էլեկտրոնային թվային ստորագրությամբ ստորագրված լինելը հիմնավորող իրավական փաստաթուղթը դարձյալ չի ներկայացվել:

Հարցադրում - «Պատվիրատուի կողմից 2021թ. օգոստոսի 27-ին գնումների պաշտոնական gnumner.am կայքում հրապարակվել է հայտերի բացման նիստի արձանագրությունը, որտեղ նույնպես արտացոլված չէ օրն ու ժամը, թե երբ և ինչ ժամկետ է տրվել Մասնակցին՝ գնահատող հանձնաժողովի կողմից արձանագրված անհամապատասխանությունները շտկելու համար»:

Պատասխան - հայտնում ենք, որ ԵՄ-ԳՀԱՊՁԲ-21/115 ծածկագրով գնման ընթացակարգի գնահատող հանձնաժողովի բացման-գնահատման նիստի արձանագրության 4-րդ կետում նշված են «Ֆասթ Բիլդ» ՍՊԸ-ի կողմից հայտով ներկայացված փաստաթղթերի գնահատման արդյունքում արձանագրած թերությունները, իսկ 5-րդ կետում նշված է, որ գնահատող հանձնաժողովը որոշել է նիստը կասեցնել 1 աշխատանքային օրով և առաջարկել մասնակիցներին մեկ աշխատանքային օրվա ընթացքում շտկել արձանագրված անհամապատասխանությունները: Նույն կետում նշված է նաև, որ հանձնաժողովը արձանագրել է, որ բացառությամբ «Ֆասթ Բիլդ» ՍՊԸ-ի շտկման ծանուցում ստացած մյուս մասնակիցների կողմից սահմանված ժամկետներում ներկայացվել են արձանագրված թերությունների շտկված տարբերակները: «Ֆասթ Բիլդ» ՍՊԸ-ին ներկայացված շտկման ծանուցման մեջ (պատճենը կցվում է) և armeps համակարգից բեռնված ոչ ավտոմատ ծանուցման մեջ (ֆայլը կցում է) հստակ երևում է ծանուցման ներկայացման ամսաթիվը:

Ամփոփելով վերոնշյալը, հայտնում ենք, որ ԵՄ-ԳՀԱՊՁԲ-21/115 ծածկագրով գնման ընթացակարգի գնահատող հանձնաժողովը ընթացակարգի շրջանակներում գործել է բացառապես իրեն ՀՀ գնումների օրենսդրությամբ վերապահված լիազորությունների շրջանակներում՝ պահպանելով օրենսդրությամբ սահմանված պահանջները, իսկ «Ֆասթ Բիլդ» ՍՊԸ-ի կողմից դիրքորոշման մեջ նշված տեղեկատվությունը կեղծ է և չի համապատասխանում իրականությանը և հետևաբար պահանջում ենք մասնակցի հանդեպ կիրառել «Գնումների մասին» ՀՀ օրենքով սահմանված պատիժը ամբողջ խստությամբ»:

### **3. «Ֆասթ Բիլդ» ՍՊԸ-ի ներկայացրած փաստարկները և դիրքորոշումը.**

Բողոքներ քննող անձը 08.09.2021թ.-ին գրությամբ դիմել է «Ֆասթ Բիլդ» ՍՊԸ-ին՝ հնարավորություն տալով ՀՀ ֆինանսների նախարարության կողմից 01.09.2021թ.-ի թիվ 26/26-1/14073-2021 գրությամբ նախաձեռնված ընթացակարգի վերաբերյալ ներկայացնել գրավոր կարծիք:

Մասնակիցը, ստանալով կարծիք հայտնելու վերաբերյալ գրությունը, ինչպես նաև ծանուցված լինելով հրավիրված նիստերի տեղի, օրվա և ժամի մասին, չի ներկայացել հրավիրված նիստերին:

Մասնակիցը 10.09.2021թ.-ին ներկայացված դիրքորոշմամբ հայտնել է հետևյալը.

«Ի պատասխան Ձեր 2021թ. սեպտեմբերի 8-ի գրության՝ «Կարեն Դեմիրճյանի անվան Երևանի մեկրոպոլիտեն» ՓԲ ընկերության (այսուհետ՝ Պարվիրապու) կողմից «Ֆասթ Բիլդ» ՍՊ ընկերությանը (այսուհետ՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգի վերաբերյալ, հայտնում ենք. որ Մասնակիցը սահմանված կարգով մասնակցել է Պարվիրապուի կողմից 2021թ. օգոստոսի 12-ին ապրանքների ձեռքբերման նպատակով կազմակերպված ԵԲ-ԳՀԱՊՁԲ-21/115» ծածկագրով գնման ընթացակարգին (այսուհետ՝ Ընթացակարգ):

Մասնակցի կողմից ներկայացված հայտի փաստաթղթերը էլեկտրոնային թվային ստորագրությամբ հաստատվել են լիազորված ներկայացուցչի կողմից, սակայն տեխնիկական խնդիրների պատճառով լիազորագիրը Մասնակցի կողմից հնարավոր չի եղել մուտքագրել գնումների էլեկտրոնային [armeps.am](http://armeps.am) համակարգ:

Միաժամանակ ցանկանում ենք հայտնել, որ Պարվիրապուի կողմից Մասնակցի հայտի մերժման հիմք հանդիսացած մյուս հանգամանքը՝ ներկայացված հայտի հավելված 1-ում լրացված չի եղել Մասնակցի բանկի անվանումը և հաշվեհամարը, հրավերում ավելացվել է Պարվիրապուի կողմից, այնինչ ՀՀ ֆինանսների նախարարության կողմից հրապարակված հրավերների օրինակելի ձևում նման պահանջ չկա:

Մասնակիցը Պարվիրապուի կողմից հայտի փաստաթղթերի շտկման որևէ ծանուցում մինչ օրս չի ստացել, այլ դրա մասին տեղեկացել է բանավոր՝ Պարվիրապուի գնումների համակարգողի հետ հեռախոսազանգի միջոցով, երբ վերջինս հայտնել է, որ իրենց կողմից Մասնակցին ծանուցվել է շտկելու ներկայացված հայտում հայտնաբերված անհամապատասխանությունները, որից անմիջապես հետո՝ 2021թ. օգոստոսի 23-ին, Պարվիրապուի էլեկտրոնային փոստին Մասնակցի կողմից ուղարկվել է Պարվիրապուի կողմից բանավոր պահանջված փաստաթղթերը:

Պատվիրատուի կողմից 2021թ. օգոստոսի 27-ին գնումների պաշտոնական *gnumner.am* կայքում հրապարակվել է հայտերի բացման նիստի արձանագրությունը, որտեղ նույնպես արտացոլված չէ օրն ու ժամը, թե երբ և ինչ ժամկետ է տրվել Մասնակցին՝ գնահատող հանձնաժողովի կողմից արձանագրված անհամապատասխանությունները շտկելու համար:»:

#### **4. ՍՑ-ԼՕ-2021/222 ընթացակարգի քննության համար էական նշանակություն ունեցող փաստերը.**

Սույն գործի քննության համար էական նշանակություն ունեցող փաստերի համաձայն՝

i. «Կարեն Դեմիրճյանի անվան Երևանի մետրոպոլիտեն» ՓԲԸ-ի (այսուհետ նաև՝ Պատվիրատու) կողմից ապրանքների ձեռքբերման նպատակով 12.08.2021թ.-ին հայտարարվել է «ԵՄ-ԳՀԱՊՁԲ-21/115» ծածկագրով գնանշման հարցման ընթացակարգ (այսուհետ նաև՝ Ընթացակարգ):

ii. Ընթացակարգին մասնակցելու նպատակով հայտ է ներկայացրել նաև «Ֆասթ Բիլդ» ՍՊԸ-ն:

iii. Ընթացակարգի գնահատող հանձնաժողովի (այսուհետ նաև՝ Հանձնաժողով) 26.08.2021թ.-ի նիստի թիվ 2 արձանագրության 4-րդ կետի 1-ին ենթակետի համաձայն՝ «Ֆասթ Բիլդ» ՍՊԸ-ի կողմից ներկայացված հայտում բացակայում է հայտով ներկայացված փաստաթղթերը, այն է՝ Ժորա Պետրոսյանի կողմից էլեկտրոնային թվային ստորագրությամբ ստորագրված լինելը հիմնավորող իրավական փաստաթուղթը, ինչպես նաև Հավելված 1-ը, թերի է՝ բացակայում է հրավերով պահանջվող մասնակցի սպասարկող բանկի և բանկային հաշվեհամարի վերաբերյալ տեղեկատվությունը:

iv. Արձանագրության 5-րդ կետի համաձայն՝ Հանձնաժողովը, հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետը, որոշել է մեկ աշխատանքային օրով կասեցնել նիստը և ծանուցել վերոնշյալ մասնակցին ծանուցումը ստանալուց հետո սահմանված կարգով մեկ աշխատանքային օրվա ընթացքում՝ շտկել անհամապատասխանությունները:

v. Հանձնաժողովի քարտուղարի կողմից 19.08.2021թ.-ին *armeps.am* համակարգի ոչ ավտոմատ ծանուցման միջոցով Մասնակցի



[fastbuild.procurement@gmail.com](mailto:fastbuild.procurement@gmail.com) էլ. փոստի հասցեին ուղարկվել է անհամապատասխանությունների շտկման վերաբերյալ ծանուցում:

vi. Նույն արձանագրության համաձայն՝ «Ֆասթ Բիլդ» ՍՊԸ-ի կողմից սահմանված ժամկետում չի շտկել արձանագրված անհամապատասխանությունները, ուստի Հանձնաժողովը, հիմք ընդունելով ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի 42-րդ կետը, որոշել է «Ֆասթ Բիլդ» ՍՊԸ-ի հայտը գնահատել անբավարար և մերժել:

vii. Armeps.am էլեկտրոնային կայքում առկա տեղեկատվության համաձայն՝ «Ֆասթ Բիլդ» ՍՊԸ-ի կողմից հայտով ներկայացված Հավելված 1-ը՝ գնանշման հարցման մասնակցելու դիմում հայտարարությունը, Հավելված 2-ը՝ գնային առաջարկը և մնացած փաստաթղթերը էլեկտրոնային թվային ստորագրությամբ հաստատված է լիազորված անձ ժորա Պետրոսյանի կողմից:

viii. Հայաստանի Հանրապետության իրավաբանական անձանց պետական ռեգիստրի պետական միասնական գրանցամատյանից քաղվածքի համաձայն՝ «Ֆասթ Բիլդ» ՍՊԸ-ի տնօրենն է հանդիսանում Նարինե Զորիկի Թովմասյանը:

## **5. Բողոքներ քննող անձի հիմնավորումները և եզրահանգումը.**

Բողոքներ քննող անձը լրիվ, օբյեկտիվ և բազմակողմանի հետազոտելով և գնահատելով սույն գործում առկա ապացույցները, և համադրելով դրանք գործով պարզված փաստական հանգամանքների հետ, հանգում է այն եզրակացության, որ ՀՀ ֆինանսների նախարարության կողմից 01.09.2021 թ.-ի թիվ 26/26-1/14073-2021 գրությամբ «Ֆասթ Բիլդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգն ենթակա է մերժման, հետևյալ պատճառաբանությամբ.

«Գնումների մասին» ՀՀ օրենքի (այսուհետ նաև՝ Օրենք) 30-րդ հոդվածի 1-ին մասի համաձայն՝ մասնակիցը հայտը ներկայացնում է հրավերով սահմանված կարգով: Հայտը ներառում է մասնակցի հաստատած՝

1) հրավերի պահանջներին իր տվյալների համապատասխանության մասին հայտարարությունը.

2) գնային առաջարկը.

3) ոչ գնային առաջարկը (տեխնիկական առաջարկ կամ տեխնիկական բնութագիր), եթե հրավերով նախատեսված է.

4) հրավերով նախատեսված այլ փաստաթղթեր (տեղեկություններ):

Նույն հոդվածի 2-րդ մասի համաձայն՝ ... հրավերով նախատեսված՝ մասնակցի կազմած փաստաթղթերն ստորագրում է դրանք ներկայացնող անձը կամ վերջինիս լիազորած անձը (այսուհետ՝ գործակալ): Եթե հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ.-ի թիվ 526-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 32-րդ կետի 11-րդ ենթակետի համաձայն՝ հրավերով նախատեսվում է նաև, որ էլեկտրոնային եղանակով ծանուցումներն իրականացվում են տեղեկություններն էլեկտրոնային փոստին ուղարկվելու միջոցով, բացառությամբ պետական գաղտնիք պարունակող գնումների, որի ժամանակ ծանուցումներն իրականացվում են թղթային եղանակով: Հրավերով և հայտով նախատեսվում են պատվիրատուի և մասնակցի էլեկտրոնային փոստի հասցեները: Տեղեկությունների (փաստաթղթերի) էլեկտրոնային եղանակով փոխանակման դեպքում դրանք ուղարկողը տեղեկությունները (փաստաթղթերը) հաստատում է էլեկտրոնային թվային ստորագրությամբ, իսկ հավաստագիրը՝ զետեղված «Նույնականացման քարտերի մասին» Հայաստանի Հանրապետության օրենքով սահմանված կարգով տրամադրված նույնականացման քարտում, կամ տեղեկությունները (փաստաթղթերը) ուղարկում է հաստատված բնօրինակ փաստաթղթից արտատպված (սկանավորված) տարբերակով: Գնման ընթացակարգն էլեկտրոնային գնումների համակարգի միջոցով կազմակերպված լինելու դեպքում Հայաստանի Հանրապետության ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ, իսկ Հայաստանի Հանրապետության ռեզիդենտ չհանդիսացող մասնակիցները՝ այդ փաստաթղթերը ներկայացնում են հաստատված բնօրինակ փաստաթղթից արտատպված (սկանավորված) տարբերակով:

Կարգի 40-րդ կետի 4-րդ ենթակետի համաձայն՝ հայտերի բացման և գնահատման նիստում հանձնաժողովը մերժում է այն հայտերը, որոնցում բացակայում է գնային առաջարկը, կամ եթե այն ներկայացված է հրավերի պահանջներին անհամապատասխան, բացառությամբ սույն կարգի 41-րդ կետով նախատեսված դեպքի: Գնումն էլեկտրոնային համակարգով իրականացվելու դեպքում հիմք է ընդունվում համակարգում կցված մասնակցի կողմից հաստատված գնային առաջարկը:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն կարգի 32-րդ կետի 1-ին մասի «ե» պարբերությամբ սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

«ԵՄ-ԳՀԱՊՁԲ-21/115» ծածկագրով գնանշման հարցման ընթացակարգի հրավերի (այսուհետ նաև՝ Հրավեր) 8.9-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ երբ հայտում ներառված՝ Հայաստանի Հանրապետության ռեզիդենտ

հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին համակարգի միջոցով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Նույն հրավերի 8.10-րդ կետի համաձայն՝ եթե սույն հրավերի 8.9-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա վերջինիս հայտը գնահատվում է բավարար: Հակառակ դեպքում տվյալ մասնակցի հայտը գնահատվում է անբավարար և մերժվում է, ներառյալ եթե մասնակիցը սույն հրավերով սահմանված ժամկետում չի ներկայացնում հայտի ապահովման բնօրինակը, իսկ ընտրված մասնակից է ճանաչվում հաջորդող տեղ զբաղեցրած մասնակիցը:

Վերոգրյալ իրավակարգավորումների լույսի ներքո՝ Բողոքներ քննող անձը փաստում է, որ մասնակիցը ներկայացնում է հրավերով սահմանված կարգով հայտ, որը ներառում է մասնակցի կողմից ներկայացված դիմում-հայտարարությունը, գնային առաջարկը, հրավերով նախատեսված այլ փաստաթղթեր (տեղեկություններ): Մասնակցի կազմած փաստաթղթերն ստորագրում է դրանք ներկայացնող կամ վերջինիս լիազորած անձը՝ ներկայացնելով այդ լիազորությունը վերապահված լինելու մասին փաստաթուղթ:

Գնման ընթացակարգն էլեկտրոնային գնումների համակարգի միջոցով կազմակերպված լինելու դեպքում Հայաստանի Հանրապետության ռեզիդենտ հանդիսացող մասնակիցները հայտում ներառվող՝ իրենց կողմից հաստատվող փաստաթղթերը հաստատում են էլեկտրոնային թվային ստորագրությամբ:

Ընդ որում, Կարգի 41-րդ կետը ուղղակիորեն սահմանում է արձանագրված անհամապատասխանությունը շտկելու անթույլատրելիություն հայտում ներառվող միայն գնային առաջարկի համար, այն էլ՝ որոշ բացառություններով: Սույն կետի իմաստից բխում է, որ մնացած բոլոր դեպքերում հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով տեղեկացնում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Հայտերի գնահատումն իրականացվում է հրավերով սահմանված կարգով և հրավերով նախատեսված պայմաններին չհամապատասխանող հայտերը գնահատվում են անբավարար և մերժվում են, ներառյալ եթե մասնակիցը մինչև հայտերի ներկայացման

վերջնաժամկետը լրանալուն հաջորդող աշխատանքային օրվա Երևանի ժամանակով 17:00-ն գնահատող հանձնաժողովին չի ներկայացնում հայտի ապահովման բնօրինակը:

Բողոքներ քննող անձը հարկ է համարում նշել, որ օրենսդիրն իմպերատիվ կերպով սահմանել է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, բացառությամբ այն դեպքերի երբ բացակայում է գնային առաջարկը կամ եթե վերջինս ներկայացված է հրավերի պահանջներին անհամապատասխան, ընդ որում՝ որոշ բացառություններով, այդ թվում՝ հաստատված չէ էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Օրենքի 4-րդ հոդվածի 1-ին մասի համաձայն՝ գնումների մասին Հայաստանի Հանրապետության օրենսդրությունը բաղկացած է Հայաստանի Հանրապետության քաղաքացիական օրենսգրքից, սույն օրենքից և իրավական այլ ակտերից: Գնումների մասին իրավական այլ ակտերը հրապարակվում են նաև պաշտոնական տեղեկագրում:

ՀՀ քաղաքացիական օրենսգրքի 3-րդ հոդվածի 1-ին կետի համաձայն՝ քաղաքացիական օրենսդրությունը հիմնվում է իր կողմից կարգավորվող հարաբերությունների մասնակիցների հավասարության, կամքի ինքնավարության և գույքային ինքնուրույնության, սեփականության անձեռնմխելիության, պայմանագրի ազատության, մասնավոր գործերին որևէ մեկի կամայական միջամտության անթույլատրելիության, քաղաքացիական իրավունքների անարգել իրականացման անհրաժեշտության, խախտված իրավունքների վերականգնման ապահովման, դրանց դատական պաշտպանության սկզբունքների վրա: Նույն հոդվածի 2-րդ կետի համաձայն՝ քաղաքացիները և իրավաբանական անձինք քաղաքացիական իրավունքները ձեռք են բերում ու իրականացնում իրենց կամքով և ի շահ իրենց: Նրանք ազատ են պայմանագրի հիման վրա սահմանելու իրենց իրավունքները և պարտականությունները, որոշելու պայմանագրի՝ օրենսդրությանը չհակասող ցանկացած պայման:

ՀՀ քաղաքացիական օրենսգրքի 8-րդ հոդվածի 2-րդ պարբերության համաձայն՝ քաղաքացիական իրավական նորմերի տեքստում կիրառվող բառերի և արտահայտությունների տարբեր ձևերով մեկնաբանման դեպքում, նախապատվությունը

տրվում է նույն օրենսգրքի 3-րդ հոդվածի 1-ին կետում շարադրված՝ քաղաքացիական օրենսդրության սկզբունքներին համապատասխանող մեկնաբանմանը:

« քաղաքացիական օրենսգրքի 10-րդ հոդվածի 1-ին կետի համաձայն՝ քաղաքացիական իրավունքները և պարտականությունները ծագում են օրենքով ու այլ իրավական ակտերով նախատեսված հիմքերից, ինչպես նաև քաղաքացիների և իրավաբանական անձանց այն գործողություններից, որոնք թեև օրենքով կամ այլ իրավական ակտերով նախատեսված չեն, սակայն, ըստ քաղաքացիական օրենսդրության սկզբունքների, առաջացնում են քաղաքացիական իրավունքներ և պարտականություններ:

« Սահմանադրության 3-րդ, 11-րդ, 28-րդ, 39-րդ, 59-րդ և բազմաթիվ այլ հոդվածներում ամրագրված են անձի իրավունքների և ազատությունների իրականացման, օրենսդրությամբ դրանց արդյունավետ պաշտպանության երաշխավորումն ապահովելու ելակետային սկզբունքներ ու նորմեր, որոնք համապարտադիր նշանակություն ունեն հասարակական բոլոր, այդ թվում նաև՝ քաղաքացիաիրավական հարաբերությունների կարգավորման բնագավառում:

« Սահմանադրության վերոհիշյալ նորմերի պահանջների կատարման երաշխավորմանն է կոչված « քաղաքացիական օրենսգիրքը, որը սահմանում է քաղաքացիական շրջանառության մասնակիցների իրավական վիճակը, կարգավորում սեփականության իրավունքի և այլ գույքային իրավունքների, դրանց հետ կապված անձնական ոչ գույքային հարաբերությունները, պայմանագրային և այլ պարտավորությունների ծագման, փոփոխման և դադարման հիմքերը և կարգը:

Անձանց իրավունքների իրականացման և պաշտպանության հետ կապված՝ օրենսգրքի մի շարք այլ հոդվածներով միաժամանակ սահմանվում են քաղաքացիական իրավունքների և պարտականությունների ծագման հիմքերը (10-րդ հոդված), այդ իրավունքների իրականացման ընդհանուր կարգը, սահմանները և պաշտպանության եղանակները (11-րդ, 12-րդ, 14-րդ, 16-րդ հոդվածներ):

« քաղաքացիական օրենսգրքի 296-րդ հոդվածի 3-րդ մասի համաձայն՝ գործարքներ կնքելիս ստորագրությունների մեխանիկական և պատճենահանման այլ միջոցներով ֆաքսիմիլ վերարտադրությունների, էլեկտրոնային թվային ստորագրության կամ իր ստորագրության այլ նմանօրինակի օգտագործում թույլատրվում է օրենքով, այլ իրավական ակտերով կամ կողմերի համաձայնությամբ նախատեսված դեպքերում և կարգով:

ՀՀ քաղաքացիական օրենսգրքի 321-րդ հոդվածի 1-ին և 2-րդ մասերի համաձայն՝ լիազորագիր է համարվում գրավոր լիազորությունը, որն անձը տալիս է այլ անձի՝ երրորդ անձանց առջև ներկայացվելու համար: Ներկայացվողը ներկայացուցչի կողմից գործարքներ կնքելու համար գրավոր լիազորություն կարող է անմիջականորեն տալ համապատասխան երրորդ անձին: Նոտարական ձև պահանջող գործարքներ կնքելու համար լիազորագիրը պետք է վավերացնի նոտարը, բացառությամբ օրենքով նախատեսված դեպքերի:

ՀՀ քաղաքացիական օրենսգրքի 322-րդ հոդվածի 1-ին մասի համաձայն՝ լիազորագրի գործողության ժամկետը չի կարող երեք տարուց ավելի լինել: Եթե լիազորագրում ժամկետ նշված չէ, ապա այն ուժը պահպանում է տալու օրվանից մեկ տարվա ընթացքում: Լիազորագիրը, որում նշված չէ դրա կատարման տարին, ամիսը և ամսաթիվը, առաջինն է:

Հրավերի 2-րդ մասի 2.7-րդ կետի համաձայն՝ սույն հրավերով նախատեսված մասնակցի կազմված փաստաթղթերը ստորագրում է դրանք ներկայացնող անձը կամ վերջինիս լիազորված անձը (այսուհետ՝ գործակալ): Եթե հայտը ներկայացնում է գործակալը, ապա հայտով ներկայացվում է վերջինիս այդ լիազորությունը վերապահված լինելու մասին փաստաթուղթ:

Վերոնշյալ իրավական նորմերի վերլուծության արդյունքում՝ Բողոքներ քննող անձը, փաստում է, որ հայտը ստորագրելու լիազորությունը հաստատող փաստաթուղթը՝ լիազորագիրը, հանդիսանում է հայտում ներառվող փաստաթուղթ, որը ներկայացվում է հայտը ստորագրելու պատշաճ լիազորությունը հավաստելու համար: Մասնակիցը գնման ընթացակարգին մասնակցելու դեպքում պետք է ներկայացնի հրավերով սահմանված պահանջներին համապատասխանող փաստաթղթեր, որոնց առկայության (համապատասխանության) դեպքում է հնարավոր հայտը գնահատել հրավերով նախատեսված պայմաններին համապատասխանող, հակառակ դեպքում հանձնաժողովը մեկ աշխատանքային օրով կասեցնում է նիստը՝ առաջարկելով մինչև կասեցման ժամկետի ավարտը շտկել անհամապատասխանությունը: Սահմանված ժամկետում արձանագրված անհամապատասխանությունը չշտկելու դեպքում հայտը գնահատվում է անբավարար և մերժվում է:

ՀՀ քաղաքացիական օրենսգրքի 347-րդ հոդվածի համաձայն՝ պարտավորությունները պետք է կատարվեն պատշաճ՝ պարտավորության պայմաններին, օրենքին և այլ իրավական ակտերի պահանջներին համապատասխան:

ՀՀ քաղաքացիական օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

ՀՀ քաղաքացիական օրենսգրքի 417-րդ հոդվածի 1-ին մասի համաձայն՝ պարտապանը պարտավորությունը չկատարելու և (կամ) անպատշաճ կատարելու համար պատասխանատու է մեղքի առկայության դեպքում, եթե այլ բան նախատեսված չէ օրենքով կամ պայմանագրով: Պարտապանը ճանաչվում է անմեղ, եթե ապացուցում է, որ ինքը պարտավորությունը պատշաճ կատարելու համար ձեռնարկել է իրենից կախված բոլոր միջոցները:

Բողոքներ քննող անձը հարկ է համարում փաստել նաև, որ Օրենսգրքի՝ վերը բերված դրույթների համակարգված վերլուծության արդյունքում, պարզ է դառնում, որ լիազորագրում նշված գրավոր լիազորությունը, որն անձը տալիս է այլ անձի՝ երրորդ անձանց առջև ներկայացվելու համար, ներկայացուցչին պարտավորեցնում է գործել դրանում սահմանված լիազորությունների շրջանակում, և ներկայացվողի անունից գործելու իրավունք է վերապահում այն պահից, երբ ներկայացուցիչը համաձայնվում է ստանալ լիազորագիրը և/կամ գործել դրանում սահմանված լիազորություններին համապատասխան: Ուստի լիազորագրում առկա դրա կատարման տարին, ամիսը և ամսաթիվը ներկայացուցչին լիազորագրում առկա իրավասությունների շրջանակում գործելու հնարավորության ծագման պահին է՝ սկիզբը:

Սույն գործի փաստերի համաձայն՝ «Կարեն Դեմիրճյանի անվան Երևանի մետրոպոլիտեն» ՓԲԸ-ի կողմից ապրանքների ձեռքբերման նպատակով 12.08.2021թ.-ին հայտարարված «ԵՄ-ԳՀԱՊՁԲ-21/115» ծածկագրով գնանշման հարցման ընթացակարգի գնահատող հանձնաժողովի 26.08.2021թ.-ի նիստի թիվ 2 արձանագրության 4-րդ կետի 1-ին ենթակետով արձանագրվել է, որ «Ֆասթ Բիլդ» ՍՊԸ-ի կողմից ներկայացված հայտում բացակայում է հայտով ներկայացված փաստաթղթերը, այն է՝ Ժորա Պետրոսյանի կողմից էլեկտրոնային թվային ստորագրությամբ ստորագրված լինելը հիմնավորող իրավական փաստաթուղթը, ինչպես նաև Հավելված 1-ը, թերի է՝ բացակայում է հրավերով պահանջվող մասնակցի սպասարկող բանկի և բանկային հաշվեհամարի վերաբերյալ տեղեկատվությունը, ինչով պայմանավորված որոշում է կայացվել մեկ աշխատանքային օրով կասեցնել նիստը և ծանուցել վերոնշյալ մասնակցին ծանուցումը ստանալուց հետո սահմանված կարգով մեկ աշխատանքային օրվա ընթացքում՝ շտկել անհամապատասխան-



նությունները, ինչի մասին Հանձնաժողովի քարտուղարի կողմից 19.08.2021թ.-ին armeps.am համակարգի ոչ ավտոմատ ծանուցման միջոցով Մասնակցի [fastbuild.procurement@gmail.com](mailto:fastbuild.procurement@gmail.com) էլ. փոստի հասցեին ուղարկվել է անհամապատասխանությունների շտկման վերաբերյալ ծանուցում: Սակայն «Ֆասթ Բիլդ» ՍՊԸ-ն սահմանված ժամկետում չի շտկել արձանագրված անհամապատասխանությունները, ուստի որոշում է կայացվել «Ֆասթ Բիլդ» ՍՊԸ-ի հայտը գնահատել անբավարար և մերժել: Armeps.am էլեկտրոնային կայքում առկա տեղեկատվության համաձայն՝ «Ֆասթ Բիլդ» ՍՊԸ-ի կողմից հայտով ներկայացված Հավելված 1-ը՝ գնանշման հարցման մասնակցելու դիմում հայտարարությունը, Հավելված 2-ը՝ գնային առաջարկը և մնացած փաստաթղթերը էլեկտրոնային թվային ստորագրությամբ հաստատված է լիազորված անձ ժորա Պետրոսյանի կողմից: Հայաստանի Հանրապետության իրավաբանական անձանց պետական ռեգիստրի պետական միասնական գրանցամատյանից քաղվածքի համաձայն՝ «Ֆասթ Բիլդ» ՍՊԸ-ի տնօրենն է հանդիսանում Նարինե Զորիկի Թովմասյանը:

Վերոգրյալ իրավանորմերի համալիր վերլուծությունը՝ գործով հաստատված փաստերի գնահատմամբ, ուսումնասիրելով «Ֆասթ Բիլդ» ՍՊԸ-ի կողմից հայտով ներկայացված փաստաթղթերը՝ Բողոքներ քննող անձն արձանագրում է, որ ժորա Պետրոսյանը, լիազորագրի բացակայության պայմաններում իրավունք չուներ էլեկտրոնային թվային ստորագրությամբ ստորագրելու իր ներկայացվողի փոխարեն, լիազորագրի բացակայության պայմաններում չէր կարող ծագել լիազորված անձի ստորագրելու, ըստ այդմ՝ իր ներկայացվողին ներկայացնելու իրավասություն:

Օրենքի 6-րդ հոդվածի 1-ին մասի 6-րդ ենթակետի համաձայն՝ գնումների ընթացակարգերին մասնակցելու իրավունք չունեն այն անձինք՝ որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Նույն հոդվածի 2-րդ մասի համաձայն՝ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում: Տվյալ մասնակցի կարծիքը լսելուց հետո գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին նույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Կարգի 32-րդ կետի 19-րդ ենթակետի համաձայն՝ հրավերով նախատեսվում է նաև, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

Կարգի 45-րդ կետի համաձայն՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Նշված իրավանորմերի վերլուծությունից պետք է փաստել, որ օրենսդիրը մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու համար նախատեսել է սպառիչ պայմաններ, որոնք են պայմանագրով նախատեսված կամ գնման գործընթացի շրջանակում ստանձնած պարտավորությունների խախտումը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որպես ընտրված մասնակից պայմանագիր կնքելուց հրաժարվելը և հայտերը բացելուց հետո գնման գործընթացին հետագա մասնակցությունից հրաժարվելը: Միայն սույն դեպքերում է հնարավոր մասնակցին ներառել գնումների գործընթացին մասնակցելու իրավունք չունեցող մասնակիցների ցուցակում:

Բողոքներ քննող անձը փաստում է նաև, որ մասնակիցը պարտավոր է ներկայացնել հրավերով սահմանված պահանջներին համապատասխանող փաստաթղթեր (այսուհետ՝ Փաստաթղթեր): Եվ եթե Փաստաթղթերում արձանագրվում են անհամապատասխանություններ՝ հրավերի պահանջների նկատմամբ, իսկ մասնակիցը սահմանված ժամկետում չի շտկում արձանագրված անհամապատասխանությունները, ապա այդ հանգամանքը համարվում է որպես գնման գործընթացի շրջանակում ստանձնած պարտավորության խախտում: Նման դեպքում առաջանում է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետի դրույթների կիրառման անխուսափելիությունը, քանի որ Մասնակիցն իր գործողություններով կամ անգործությամբ, խախտելով գնման գործընթացի շրջանակում ստանձնած պարտավորությունը, հանգեցնում է պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը:

Բողոքներ քննող անձը հարկ է համարում հավելվել նաև, որ ստանձնած պարտավորությունների (այդ թվում՝ ընթացակարգի և պայմանագրի) խախտման հիմքերը պայմանականորեն կարելի է բաժանել երկու խմբի՝ օբյեկտիվ և սուբյեկտիվ: Օբյեկտիվ հիմքերի մեջ կարելի է դասել ֆորսմաժորային դեպքերը՝ տարերային աղետները, ինչպես նաև արտակարգ իրավիճակը և նմանատիպ այլ՝ անձանց կամքից անկախ հիմքերով առաջացող պատճառները: Սուբյեկտիվ գործոնը պայմանավորված է անմիջականորեն տվյալ անձի հետ կապված և գործնականում ավելի երկար ժամանակ պահանջող ողջամիտ խնդիրների լուծմամբ, առանց որի անհնար է ստանձնած պարտավորությունների կատարումը:

Բողոքներ քննող անձն արձանագրում է, որ բոլոր դեպքերում էլ, բացի ֆորսմաժորային իրավիճակներից, ստանձնած պարտավորությունների խախտման համար մեղքի բացակայության փաստը հաստատված համարելու համար ընդհանուր կանոնն այն է, որ անձը պարտավոր է ապացուցել, որ օրենքով սահմանված պարտավորությունների կատարման համար անհրաժեշտ ժամկետի ընթացքում ձեռնարկել է իրենից կախված ողջամիտ ու բավարար միջոցներ այդ պարտավորությունների պատշաճ կատարումն իրականացնելու ուղղությամբ, սակայն իր կամքից անկախ պատճառներով խախտել է գնման ընթացակարգով կամ պայմանագրով ստանձնած պարտավորությունը(ները): Օբյեկտիվ և սուբյեկտիվ հիմքերի վերաբերյալ նմանատիպ դիրքորոշում է հայտնել ՀՀ վճռաբեկ դատարանն իր նախկինում կայացրած որոշումներում (*տե՛ս*, «Հայբիզնեսբանկ» ՓԲԸ-ն ընդդեմ «Միլլար» ՓԲԸ-ի թիվ ԵԿԴ/2628/02/13 քաղաքացիական գործով ՀՀ վճռաբեկ դատարանի 03.12.2014 թվականի որոշումը):

Վերոնշյալ հոդվածների համակարգված վերլուծության արդյունքում՝ Բողոքներ քննող անձը փաստում է, որ օրենսդիրն որպես պարտավորությունը խախտելու համար պատասխանատվության պարտադիր պայման սահմանել է պարտավորությունը խախտած անձի մեղքի առկայությունը: Պարտապանը պարտավորությունը անպատշաճ կատարելու համար չի կարող կրել պատասխանատվություն՝ մեղքի բացակայության պայմաններում: Օրենքի 6-րդ հոդվածի 1-ին մասի 6-րդ կետի դրույթների կիրառման անխուսափելիությունն առաջանում է այն ժամանակ, երբ Մասնակիցն իր գործողություններով կամ անգործությամբ, խախտում է ընթացակարգի շրջանակներում ստանձնած որևէ պարտավորություն, որն էլ հանգեցնում է Պատվիրատուի կողմից գնման գործընթացին տվյալ մասնակցի հետագա մասնակցության դադարեցմանը: Ուստի, այն դեպքերում, երբ բացակայում է պարտապանի մեղավորությունը, «Գնումների մասին» ՀՀ օրենքի 6-րդ հոդվածի 1-ին մասի 6-րդ կետում նշված պատասխանատվությունը չի կարող վրա հասնել ու հանգեցնել մասնակցի (պարտապանի)՝ գնումների գործընթացին մասնակցելու իրավունք չունեցող մասնակիցների ցուցակում ընդգրկելուն:

Այսպիսով, վերոհիշյալ փաստական հանգամանքների և իրավական նորմերի լույսի ներքո, դրանց համակարգված վերլուծության արդյունքում, գնահատելով ու հետազոտելով գործում առկա ապացույցները, մասնավորապես՝ այն հանգամանքների հաշվառմամբ, որ «ԵՄ-ԳՀԱՊՁԲ-21/115» ծածկագրով գնանշման հարցման ընթացակարգին մասնակցելու նպատակով հայտ ներկայացրած «Ֆասթ Բիլդ» ՍՊԸ-ի կողմից հայտով ներկայացված Հավելված 1-ը՝ գնանշման հարցման մասնակցելու դիմում հայտարարությունը, Հավելված 2-ը՝ գնային առաջարկը և մնացած այլ փաստաթղթերը էլեկտրոնային թվային ստորագրությամբ հաստատված է Ժորա Պետրոսյանի կողմից, իսկ ապա դրանից հետո Մասնակցի կողմից չի ներկայացվել Օրենսգրքով և Օրենքով սահմանված կարգով Ժորա Պետրոսյանի անվամբ տրված լիազորագիր՝ Բողոքներ քննող անձը գալիս է այն եզրակացության, որ «Ֆասթ Բիլդ» ՍՊԸ-ն գնման գործընթացի շրջանակներում չի ստանձնել որևէ պարտավորություն, որի առկայության պայմաններում է միայն հնարավոր փաստել վերջինիս կողմից պարտավորության խախտմամբ կատարած լինելու կամ չկատարելու հանգամանքի առկայության մասին:

Վերոնշյալներով պայմանավորված՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետում նշված պատասխանատվությունը չի կարող վրա հասնել ու հանգեցնել Մասնակցին՝ գնումների գործընթացին մասնակցելու իրավունք չունեցող մասնակիցների ցուցակում ընդգրկելուն:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասով՝ ՀՀ գնումների հետ կապված բողոքներ քննող անձը՝

### **Ո Ր Ո Շ Ե Ց**

ՀՀ ֆինանսների նախարարության կողմից 01.09.2021 թ.-ի թիվ 26/26-1/14073-2021 գրությամբ «Ֆասթ Բիլդ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ՍՑ-ԼՕ-2021/222 ծածկագրով ընթացակարգը մերժել:

ՀՀ գնումների հետ կապված բողոքներ քննող անձի ընդունած որոշումն ուժի մեջ է մտնում այն տեղեկագրում հրապարակելուն հաջորդող օրը:

ՀՀ գնումների հետ կապված բողոքներ քննող անձի ընդունած որոշումն իրավապարտադիր է, որը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**ՀՀ ԳՆՈՒՄՆԵՐԻ ՀԵՏ ԿԱՊՎԱԾ  
ԲՈՂՈՔՆԵՐ ՔՆՆՈՂ ԱՆԶ՝**



**ԼԵՎՈՆ ՕՀԱՆՅԱՆ**